

Lozcwngz:

“Banggungz Cehgenh” Bang Vutgungz

罗城：“扶贫车间”助脱贫

6 nyied 12 hauh, youq Lozcwngz Sunghswng Denswj Gohgi Mizhanh Gunghsw Lozcwngz Mulauj Gyahyenz (Sinhcin) “banggungz cehgenh”, geij boux mehmbwk youq gwnz swngchajnsen guhhong. Geij bi neix daeuj, Lozcwngz Mulajucuz Swciyen dawz senj dieg banggungz dangguh dwkhingz ciengz ciengq vutgungz gunggeng hong ceiq youqgaenj bae guh, doengzseiz itcig senjdieg caeuq hwngfat song fwngz ca, yinxhaeuj, gujli mbangj giyez aeu vunz guhhong lai, hongfwngz gyagoeng lai youq giz anyouq dieg senj youq haenx roengngaenz banh cangj, daiqdoengh vunzlai gungzhoj youq dangdieg guhhong. “Banggungz cehgenh” hawj vunzlai senj dieg miz hong guh, miz cienz canh, hix vih gunghcangj gaijgez aen nanzdaez vunz guhhong noix haenx, coicaenh le canjyez hwngfat.

(Mungz Cwnghsw/蒙增师)

► Gyoengq mehmbwk youq ndaw “banggungz cehgenh” guhhong.



▲ Doengh boux vunz simndei haenx daeuj gien lwed.

Baksaek: Simndei Nyoenxdoengh Ngoenz Bouxgienlwed Seiqgyaiq

百色: 爱心涌动世界献血者日

6 nyied 14 hauh dwg ngoenz bouxgienlwed seiqgyaiq, Baksaek Si youq ndaw sigih Sinhlinz Gvangjangz haiguh aen hozdung aeu “vih vunz siengj di • gien di lwedndat • faenyienj sengmingh” senhconz gien lwed mbouj aeu cienz ma guh cawjdaez, gij ganbu cizgungh caeuq gyoengq simndei vunzlai, bouxgagnyienh daj gak aen gihgvanh, gi swyez danhvei ndaw diegguenj daeuj haenx doenggvaq yienhciengz gien lwed mbouj aeu cienz caeuq senhconz cihsiz gien lwed daengj hingz sik, vih cauh ndei fungheiq sevei gyansim gyaez bouxwnq, gien'ok bonjfaenh ok faenh rengz ndeu.

(Luz Gez/陆杰)

Yungzsuij: Banh Gak Cungj Hozdung Senhconz Ceznwngz

融水: 举办系列活动宣传节能

6 nyied 14 hauh, Yungzsuij Myauzcuz Swciyen banh aen hozdung senhconz ceznwngz “dizcang saedceij yangqhauq dihdan baujhoh ranzmbanj mbwnlamz raemxheu”, langhbaiej ndangdaenj vanzbauj lwgnyez, yienj siujbinj, camdap miz ciengj cihsiz, yinx haujlai bouxngonzyawj daeuj camgya hozdung.

(Liu Swjyenh/廖子渊)



▲ Gyoengq lwgnyez langhbaiej ndangdaenj aeu daehndaij, bauqceij daengj doxgaiq gaeuq ma guh haenx.



▲ Song laeq lwgnyez neix yienfwngz baijyienj.

Sanhgyangh: Yozgi Dungcuz Haeuj Hagdangz

三江: 侗族器乐进校园



▲ Gyoengq hagseng nyinhcaen gaen lauxsae hagsib.

6 nyied 12 hauh, youq Sanhgyangh Dungcuz Swciyen Sanhgyangh Cunghyoz, gyoengq hagseng cingq hagsib danzciengq go bizbaz Dungcuz. Geij bi neix daeuj, aen yienh neix daihlig doidoengh minzcuz vwnzva haeuj hagdangz hozdung, doenggvaq ca lauxsae, ca lwgnyez, ca hagdangz, ca hozdung daengj banhfap, dawz go Dungcuz, Siuqdung, Vehdung, yozgi Dungcuz daengj “feihyiz” vwnzva yinx haeuj hagdangz, youq fungfouq saedceij vwnzva hagdangz lwghag Dungcuz doengzseiz, rengzrwd doidoengh dinfwngz feihyiz daihdaih doxcienz.

(Gungh Bujgangh/龚普康)